

摘藻堂四庫全書薈要

集部

欽定四庫全書薈要

御選歷代詩餘卷三十五目錄

起五十七字
至五十八字

謝新恩

南唐李煜

陽臺夢 又一體

解昉

鵲橋仙 又一體

黃庭堅

倚西樓

無名氏

荷葉鋪水面

康輿之

家山好

無名氏

河傳

又一體

柳永

前調 又一體

柳永

小重山

劉景翔

楊基

周用

芳草渡 又一體

張先 二首

宜男草

陳三聘

小重山

又一體

和凝 二首

薛昭蘊 二首

賀鑄 三首

毛滂 四首

呂渭老 二首

沈會宗 三首

蔡伸

汪藻

趙師俠

趙長卿 二首

岳飛

辛棄疾 二首

姜夔

黃機

許棐

章穎

韓澆

二首

汪莘

盧炳

蔣捷

陳允平

張炎 二首

何夢桂

李萊老

僧祖可

李清照

吳淑姬

元好問

劉秉忠 二首

劉基

吳子孝 二首

裘昌今

前調 又一體

黃子行

臨江仙 又一體

毛文錫

牛希濟 六首

閻選 二首

李珣 二首

前調 又一體

南唐李煜

顧夔

鹿虔扈

尹鶻

毛熙震

孫光憲

二首

張泌

歐陽修

二首

許庭

四首

謝逸

蔡伸

二首

趙彥端

劉光祖

吳子孝 三首

前調 又一體

南唐李煜

馮延巳

徐昌圖

晏幾道 七首

陳師道

趙長卿 二首

陸游

高觀國

史達祖 二首

趙潛

詹正

錢光縉

鵲橋仙 又一體

韓澆

惜分釵

呂渭老

二首

七娘子

蔡伸

夜行船

又一體

趙長卿

前調

又一體

王媿

河傳 又一體

徐昌圖

恨春遲

張先

花上月令

吳文英

玉碾萼

無名氏

御選歷代詩餘卷三十五目錄

欽定四庫全書薈要卷二萬七百十三

集部

御選歷代詩餘卷三十五

起五十七字
至五十八字

謝新恩

雙調五

十七字

謝新恩

南唐李煜

秦樓不見吹簫女
空餘上苑風光
粉英金蕊自低昂
東風惱我纔發一衿香
瓊牕夢笛殘日
當年得恨何長
碧闌干外映垂楊
暫時相見如夢
嬾思量

陽臺夢

又一體雙調

五十七字

陽臺夢

解昉

仙姿本寓十二峰
前往千里行雲行雨偶因鶴馭過巫陽
邂逅他楚襄王
無端宋玉誇才賦
誣誕人心素至今
狂客到陽臺
也有癡心望妾入夢中來

鵲橋仙

又一體雙調

五十七字

鵲橋仙

次東坡
七夕韻

黃庭堅

八年不見清都絳闕望銀漢溶溶漾漾年年牛女恨風
波算此事人間天上野麋豐草江鷗遠水老大惟便
疎放百錢端往問君平早晚具歸田小舫

倚西樓

雙調五

十七字

倚西樓

無名氏

禁鼓初傳時下打虛過清風明月夜眼如魚目幾時乾

心似酒旗終日挂
銀漢低垂星斗斜
院宇空寥燭却
西樓瀟灑有誰知
教我獨自上來獨自下

荷葉鋪水面

雙調五

十七字

荷葉鋪水面

康與之

春光豔冶遊人踏
綠苔千紅萬紫競
香開煙風拂鼻
籟
驀地暗香透滿懷
荼蘼似錦裁
嬌紅間嫩白
只怕迅
速春回誤
落在塵埃
折向鬢雲邊
金鳳釵

家山好

雙調五

十七字

家山好

無名氏

挂冠歸去舊煙蘿
閒身健養天和
功名富貴非由我
莫貪他者歧路足風波
水晶宮裏家山好
物外勝遊多
晴谿短棹時時醉
唱裡梭羅天公奈我何

河傳

又一體雙調

五十七字

河傳

柳永

翠深紅淺愁蛾黛
嬌波刀翦奇容妙技
互逞舞裊歌扇
妝光生粉面
坐中醉客風流慣
尊前見特地驚狂
眼不似少年時節
千金爭選相逢何太晚

前調

又一體

柳永

淮岸向晚團荷向背芙蓉深淺
仙娥畫舸露影紅芳交亂
難分花與面
米多漸覺輕船滿
呼歸伴急繫煙波
遠隱隱棹歌漸被蒹葭遮
斷曲終人不見

小重山

重或作冲一名祝屏
風雙調五十七字

小重山

劉景翔

山翠晴嵐曲曲隈紅香浮玉醉容顏不煩人築避風臺
瀟湘路隨意自徘徊春倦怕頻催琵琶私語近問誰
來春風那隔錦雲堆夢中蝶飛去又飛回

前調

初陽道
中間蛙

楊基

纍纍湘雲帶晚霞東風吹絮落晴沙夢魂今夜繞天涯

春暮也芳草亂鳴蛙
獨自莫咨嗟青煙飛颺處有人
家且分新火試新茶新竹裏無數木蘭花

前調

周用

江上雙峰擁翠鬟新詞合賦小重山
芳泉斜逗玉龍灣
清鏡裏和影弄潺湲
蹤跡落人間眼中知己少且偷
閒憂來陡覺帶圍寬分付我高臥且加餐

芳草渡

又一體雙調
五十七字

芳草渡

張先

雙門曉鎖響朱扉
千騎擁萬人隨
風烏弄影畫船移
歌時淚和別怨作秋悲
寒潮小渡淮
遲吳越路漸天涯
宋王臺上為相思
江雲下日西盡
鴈南飛

前調

張先

主人宴客玉樓西
風飄忽雪雰霏
唐昌花蕊漸平枝
浮光裏寒聲聚
隊禽栖
驚曉日喜春遲
野橋時伴梅飛
山明日遠霽雲披
溪上月堂下水併
春暉

宜男草

雙調五

十七字

宜男草

陳三聘

綠水黏天淨無浪轉東風縠紋微漲箇中趣莫遣人知
容日日扁舟獨往平生書癖已無恙解名韉更逃羈
網春近也梅柳頻看枝上玉蕊金絲暗長

小重山

又一體雙調

五十八字

小重山

和凝

春入神京萬木芳
禁林鶯語滑
蝶飛狂
曉花擎露妒啼
妝
紅日永風和
百花香
煙鎖柳絲長
御溝澄碧水轉
池塘時時微雨洗
風光天衢遠
到處引笙簧

前調

和凝

正是神京爛漫時
羣仙初折得
郤詵枝
烏犀白紵最相
宜
精神出御陌
袖鞭垂
柳色展愁眉
管絃分響亮
探花期
光陰占斷曲江池
新榜上名姓
徹丹墀

前調

薛昭蘊

春到長門春草青紫堦華露滴月朧明東風吹斷玉簫
聲宮漏促簾外曉啼鶯 愁起夢難成紅妝流宿淚不
勝情手按裙帶遶花行思君切羅幌暗塵生

前調

薛昭蘊

秋到長門秋草黃畫梁雙燕去出宮牆玉簫無復理霓
裳金蟬墜鸞鏡掩休妝 憶昔在昭陽舞衣紅綬帶繡
鴛鴦至今猶惹御爐香魂夢斷愁聽漏更長

前調

賀鑄

夢草池南壁月堂綠陰深蔽日轉鷓黃澹蛾輕鬢似宜
妝歌扇小煙雨畫滿湘薄晚具蘭湯雪肌英粉膩更
生香簟紋如水竟檀牀雕文枕並得兩鴛鴦

前調

賀鑄

花院深疑無路通碧紗牕影下玉芙蓉當時偏恨五更
鐘分攜處斜月小簾櫳楚夢冷沈踪一雙金縷枕半
牀空畫樓臨水鳳城東樓前柳憔悴幾秋風

前調

賀鑄

飄徑梅英雪未融
芳菲消息到杏梢
紅隔年歡事水西
東凝思久不語坐書空
回想夾城中
綵山簫鼓沸綺
羅叢鈿車珠網
玉花驄香陌上誰與鬪春風

前調

宴張守

毛滂

碧瓦朱甍紫翠明
玻璃屏幃裏錦為城
子胥英爽海濤
橫玉堂客於此勸春耕
五月政當成巖廊將去路肯
留行江山形勝為公傾
公惜醉風月若為情

前調

立春日
欲雪

毛滂

誰勸東風臘裏來，不知天待雪惱江梅。東郊寒色尚徘徊，
雙彩燕飛傍鬢雲堆。玉冷曉妝臺，宜春金縷字拂香腮。
紅羅先繡踏青鞵，春猶淺，花信更須催。

前調

毛滂

門外東風糝玉塵，曲房花氣靄博山。春小槽珠滴桂椒，
芬臘梅蕊誰共醉中聞。睡起靜無人，曲屏橫遠翠錦為鱗。
十年舊事夢如新，紅蕤枕猶暝楚峰雲。

前調

毛滂

鶴舞青青雪裏松
冰開龜在藻綠蒙茸
一成不記蕊珠宮
蟠桃熟應待幾東風
玉酒紫金鍾
非煙羅幕暎寶熏
濃贈君春色
膈寒中
君留取長伴臉邊紅

前調

呂渭老

半夜燈殘鼠上檠
小牕風動竹月微明
夢魂偏記水西亭
琅玕碧花影弄蜻蜓
千里暮雲平
南樓催上燭晚來晴
酒闌人散斗西傾
天如水團扇撲流螢

前調

呂渭老

雲護柔條雪壓枝斜風吹絳蠟點胭脂薔薇揉水麝分
臍園林晚脈脈帶斜暉深閣繡簾低寶匳勻淚粉晚
妝遲一枝屏外對依依清宵永誰伴破寒危

前調

沈會宗

花過園林清蔭濃琅玕新脫筍綠成叢雨聲只在小樓
東間欹枕敵面芰荷風長日蔽簾櫳輕塵飛不到畫
堂空一尊今夜與誰同人如玉相對月明中

前調

沈會宗

椽燭垂珠清漏長
酒黏衫袖濕有餘香
紅牙雙捧旋排
行將歌處相向更勻妝
明月映東牆
海棠花逕密迸
流光遲留春筍緩
催觴蘭堂靜人已候虛廊

前調

沈會宗

碧藕花風入袖香
涓涓清露浥玉肌涼
折花無語傍橫
塘隨折處一寸萬絲長
還更擘蓮房
蓮心真箇苦似
離腸凌波新恨儘
難忘分攜也觸事著思量

前調

蔡伸

樓上風高翠袖寒，碧雲籠澹日照闌干。綠楊芳草恨，
繇繇長亭路，何處認征鞍。曉鏡嬾重看，鬢雲堆鳳髻，任
闌珊。鸞衾鴛枕小屏山，人如玉，忍負一春閒。

前調

汪藻

月下潮生紅蓼汀，淺霞都斂盡。四山青柳梢風急，墮流
螢隨波去，點點亂寒星。別語寄叮嚀，如今能間隔幾
長亭。夜來秋氣入銀屏，梧桐雨，還恨不同聽。

前調

趙師俠

樂歲農家喜夜春朝來收宿霧快新晴雲移日轉午風
輕香羅薄暄暖困遊人積水滿春塍綠波翻鬱鬱露
袂鉞幸無離緒苦牽情煙林外時聽杜鵑聲

前調

趙長卿

綠樹陰陰春已休羣花飄盡也不勝愁遊絲飛絮兩悠
悠迷芳草日暖雨初收深院小遲留好香燒一炷細
煙浮更聽羯鼓打梁州惱人處宿酒尚扶頭

前調 楊花

趙長卿

枝上楊花糝玉塵晚風扶起處雪輕盈撲人點點細無
聲誰能惜撩亂滿江城 忍淚未須傾十年追往事歎
流鶯曉來雨過轉傷情鋪池綠遺恨寄浮萍

前調

岳飛

昨夜寒蛩不住鳴驚回千里夢已三更起來獨自遶階
行人悄悄簾外月朧明 白首為功名舊山松竹老阻
歸程欲將心事付瑤琴知音少絃斷有誰聽

前調

辛棄疾

旋製離歌唱未成陽關先畫出柳邊亭
中年懷抱管絃聲難忘處風月此時情
夜雨共誰聽儘教清夢去兩三程
商量詩價重連城相如老漢殿舊知名

前調

三山與客
泛西湖

辛棄疾

綠漲連雲翠拂空十分風月處著山翁
垂楊影斷岸西東君恩重教且種芙蓉
十里水晶宮有時騎馬去笑兒童
殷勤却謝打頭風船兒住且醉浪花中

前調

潭州
紅梅

姜夔

人繞湘皋月墜時斜橫花樹小浸愁漪一春幽事有誰
知東風冷香遠茜裙歸鷗去昔遊非遙憐花可可夢
依依九疑雲杳斷魂啼相思血都沁綠筠枝

前調

黃機

梧竹因依山盡頭蕭蕭疎雨後幾分秋輕涼無數入西
樓凭闌久滿眼動離愁飛鷺下汀洲怕知鴻鴈到帶
書不詩闌酒戲一時休人如削身在水邊洲

前調

許 棐

正是拈芳采豔時連朝風雨裏掩朱扉強排春恨翦新
詞詞未就鶯唱縷金衣 雲薄弄晴暉試穿花徑去揀
雙枝紫香紅膩鬢邊宜簪不盡瓶裏頓將歸

前調

章 穎

柳暗花明春事深小闌紅芍藥已抽簪雨餘風軟碎鳴
琴遲遲日猶帶一分陰 把酒莫沉吟身閒無箇事且
登臨舊遊何處不堪尋無尋處惟有少年心

前調

韓 澆

雲影收晴雨外明，碧溪春澹澹。落花平鶯聲，催我過橋
行人何在？詩酒澹心情。閒裏興還生。錦鱗題尺素，有
誰能、草邊芳徑，柳邊城歸來也。清夢繞山屏。

前調

韓 澆

點染煙濃柳色新，小桃紅映水。日初勻，露收芳，逕草鋪
茵。凝情久，風澹起，輕塵。梁燕已爭春。折花間，伴酒試
濡脣。流鶯何處語聲頻。闌干曲，蜂蝶更隨人。

前調

汪莘

居士情懷愛小春恰如重會面舊時人東君輕笑又輕
顰知道我春去却傷心青鳥下紅巾瑤池春信早莫
因循柳絲黃日牡丹辰相隨逐春淺到春深

前調

盧炳

一見情懷便雅投尊前成密約意綢繆已成行計理歸
舟空相憶無計為伊留執別話離愁縈牽滋味惡在
心頭而今無奈阻歡遊些子事此恨兩悠悠

前調

蔣捷

晴浦溶溶明斷霞樓臺搖影處是誰家銀紅裙襖皺宮
紗風前坐閒鬪鬱金芽人散樹啼鴉粉團黏不住舊
繁華雙龍尾上月痕斜而今照冷澹向菱花

前調

陳允平

岸柳黃深綠漸饒林塘初雨過漲蒲萄秋千亭榭彩旗
交鶯聲裏春在杏花梢慵整翠雲顰眉尖愁兩點倩
誰描斜陽芳草暗魂消東風遠猶凭赤闌橋

前調

題曉
竹圖

張炎

澹色分山曉氣浮疎林猶剩葉不多秋林深髮鬢昔曾
遊頻喚酒漁屋岾西頭不礙此凝眸朦朧清影裏過
扁舟行行應到白蘋洲煙水冷傳語舊沙鷗

前調

題煙
竹圖

張炎

陰過雲根冷不移古林疎又密色依依何須噴飯笑當
時篔簹谷盈尺小鵝溪展翫似堪疑楚山從此去望
中迷不知何處倚湘妃空江晚長笛一聲吹

前調

何夢桂

吹斷笙簫春夢寒，倚樓思往事，淚偷彈。別時容易見時難。相看處，惟有玉連環。人在萬重山。近來應不似，舊時顏。重門深院柳陰間。曾攜手，休去凭危欄。

前調

李萊老

畫簷簷柳碧如城，一簾風雨裏，過清明。吹簫門巷冷無聲。梨花月，今夜負中庭。遠岫斂修鬢，春愁吟入譜。付鶯鶯。紅塵沒馬，翠埋輪。西泠曲，歡夢絮飄零。

前調

僧祖可

誰向江頭遣恨濃
碧波流不斷
楚山重柳煙和雨隔疎
鐘黃昏後羅幕更朦朧
桃李小園空
阿誰猶笑語拾
殘紅珠簾卷盡夜來風
人不見春在綠蕪中

前調

宋媛
李清照

春到長門春草青
江梅些子破未開
勻碧雲籠碾玉成
塵留晚夢驚破一甌雲
花影壓重門
疎簾鋪淡月好
黃昏二年三度負東君
歸來也著意過今春

前調

宋媛

吳淑姬

謝了荼蘼春事休無多花片子綴枝頭庭槐影碎被風
揉鶯雖老聲尚帶嬌羞獨自倚妝樓一川煙草浪襯
雲浮不如歸去下簾鉤心兒小難著許多愁

前調

元好問

酒冷燈青夜不眠寸腸千萬縷兩相牽鴛鴦秋雨半池
蓮分飛苦紅淚曉風前天遠鴈翩翩鴈來人去也遠
如天安排心事待明年無情月看待幾時圓

前調

劉秉忠

詩酒休驚誤一生黃塵南北路幾功名枝頭烏鵲夢頻
驚西州月夜夜照人明枕上數寒更西風殘漏滴兩
三聲客中新感故園情音書斷天曉鴈孤鳴

前調

劉秉忠

一片殘陽樹上明百禽爭噪噪雨初晴西風鴻鴈落沙
汀扁舟遠漁笛兩三聲煙草逐人行前山青來後
山橫山川人物鬪崢嶸黃塵路鞍馬笑平生

前調

詠月

劉基

始映西軒似玉鈎，想應容不得一些愁。娟娟斜倚鳳凰樓，窺朱戶，應自半含羞。今夜正悠悠，玉池金岼側，是瀛洲。人間天上一般秋。銀潢水，何事獨西流。

前調

與客遊西山
雨作登虎丘

吳子孝

江上垂楊綠似煙，杏桃初破萼。鬪紅鮮，輕風徐引木蘭船。羅袂薄，春水碧浮天。寒重雨絲懸，西山看咫尺，去無緣。回橈剛聽暮鐘傳，雲慘淡，蘭葉滿春田。

前調

吳子孝

池面新荷散綠鮮
燕仍歸畫棟兩翩翩
闌干閒倚小山前
薰風細度處響冰絃
垂手弄清泉
荷珠元不定
碎還圓
輕雲盡斂月初懸
簾櫳靜金鼎試沉煙

前調

湖工
春遊

裘昌今

山遶平湖寺遶山
堤邊千樹柳綠絲繁
杏花嬌倚玉闌干
樓畔小鳥語繇蠻
紅粉試輕紈
笙歌吹畫舫
漾飛鸞
酒旗撩亂繫雕鞍
春色暖芳草弄晴灣

前調

又一體

黃子行

一點斜陽紅欲滴
白鷗飛不盡
楚天碧
漁歌聲斷晚風
急攬蘆花飛雪滿林濕
孤館百憂集
家山千里遠
夢難覓
江湖風月好收拾
故溪雲深處著蓑笠

臨江仙

又一體雙調

五十八字

臨江仙

毛文錫

暮蟬聲盡落斜陽
銀蟾影挂滿湘
黃陵廟側水茫茫
楚

山紅樹煙雨隔高唐
岼泊漁燈風颭碎白蘋遠散濃
香靈娥鼓瑟韻清商朱絃淒切雲散碧天長

前調

牛希濟

謝家仙觀寄雲岑巖蘿拂地成陰洞房不閉白雲深當
時丹竈一粒化黃金石壁霞衣猶半挂松風長似鳴
琴時聞鶴唳起前林十洲高會何處許相尋

前調

牛希濟

渭闕宮城秦樹凋玉樓獨上無憀含情不語自吹簫調

清和恨天路逐風飄
何事乘龍人忽降似知深意相
招三清攜手路非遙世間屏障彩筆畫嬌饒

前調

牛希濟

素洛春光潑豔平千重媚臉初生凌波羅襪試輕輕煙
籠日照珠翠半分明
風引寶衣疑欲舞鸞迴鳳翥堪
驚也知心許恐無成陳王辭賦千載有聲名

前調

牛希濟

柳帶搖風漢水濱平蕪兩岼爭勻鴛鴦對浴浪痕新弄

珠遊女微笑自含春
輕步暗移蟬鬢動羅裙
風惹輕塵水精宮殿豈無因
空勞纖手解珮贈情人

前調

牛希濟

洞庭波浪颭晴天
君山一點凝煙
此中真境屬神仙
玉樓珠殿相映月輪邊
萬里平湖秋色冷
星辰垂影森然
橘林霜重更紅鮮
羅浮山下有路暗相連

前調

牛希濟

峭碧參差十二峰
冷煙寒樹重重
瑤姬宮殿是仙蹤
金

爐珠帳香靄晝偏濃
一自楚王驚夢斷人間無路相逢
至今雲雨帶愁容月斜江上征棹動晨鐘

前調

閨選

雨停荷芰逗濃香
岼邊蟬噪垂楊物華空有舊池塘不
逢仙子何處夢襄王
珍簟對敲鴛枕冷此來塵暗淒涼
欲憑危檻恨偏長藕花珠綴猶似汗凝妝

前調

閨選

十二高峰天外寒
竹梢輕拂仙壇寶衣行雨在雲端畫

簾深殿香霧冷風殘
欲問楚王何處去翠屏猶掩金
鑾猿啼明月照空灘孤舟行客驚夢亦艱難

前調

李 珣

簾捲池心小閣虛暫涼閒步徐徐
芰荷經雨半凋疎拂
堤垂柳蟬噪夕陽餘
不語低鬟幽思遠玉釵斜墜雙
魚幾迴偷看寄來書離情別恨相隔欲何如

前調

李 珣

鶯報簾前暖日紅
玉爐殘麝猶濃起來
閨思尚疎慵別

愁春夢誰解此情
強整嬌姿臨寶鏡
小池一朵芙蓉
舊歡無處再尋蹤
更堪迴顧屏畫
九疑峰

前調

又一體

南唐李煜

櫻桃落盡春歸去
蛺蝶翻輕粉
雙飛子規啼
月小樓西
玉鈎羅幕惆悵暮煙垂
別巷寂寥人散後
望殘煙草低
迷爐香閒裊鳳凰兒
空持羅帶回首恨依依

前調

顧 夔

幽閨小檻春光晚
柳濃花淡
鶯稀舊懽
思想尚依依
翠

顰紅斂終日損芳菲
何事狂夫音信斷不如梁燕猶
歸畫堂深處麝煙微屏虛枕冷風細雨霏霏

前調

鹿虔扈

無賴曉鶯驚夢斷起來殘酒初醒映牕絲柳裊煙青翠
簾慵卷約砌杏花零
一自玉郎遊冶去蓮凋月慘儀
形暮天微雨灑閒庭手按裙帶無語倚雲屏

前調

尹鷲

深秋寒夜銀河靜月明小院中庭西牕幽夢等閒成
逡

巡覺後特地恨難平
紅燭半條殘
燄短依稀暗背銀
屏枕前何事最傷情
梧桐葉上點點露珠零

前調

毛熙震

幽閨欲曙聞鶯轉
紅牕月影微明
好風頻謝落花聲
隔幃殘燭猶照綺屏
綉被錦茵眠玉暖
炷香斜裊煙輕
澹蛾羞斂不勝情
暗思閒夢何處逐雲行

前調

孫光憲

霜拍井梧乾葉墮
翠帷雕檻初寒
薄鉛淺黛
稱花冠含

情無語延佇倚闌干
杳杳征輪何處去
離愁別恨千般
不堪心緒正多端
鏡匣長掩無意對孤鸞

前調

孫光憲

暮雨淒淒深院閉
燈前凝坐初更玉
釵低壓鬢雲橫半
垂羅幙相映燭光明
終是有心投漢珮
低頭但理秦箏
燕雙鸞耦不勝情
只愁明發將逐楚雲行

前調

張泌

煙收湘渚秋江靜
蕉花露泣愁紅
五雲雙鶴去無蹤
幾

回魂斷凝望向長空
翠竹暗留珠淚怨
聞調寶瑟波
中花鬢月鬢綠雲重
古祠深殿香冷雨和風

前調

歐陽修

記得金鑿同唱第春風
上國繁華如今薄
宦老天涯十年歧路空負曲江花
聞說閩山通閩苑樓高不見君
家孤城寒日等閒斜
離愁難盡紅樹遠連霞

前調

歐陽修

柳外輕雷池上雨
雨聲滴碎荷聲小
樓西角斷虹明闌

千倚處待得日華生
燕子飛來窺畫棟
玉鈎垂下簾
旌涼波不動
簟紋平
水精雙枕傍
有墮釵橫

前調

詠柳
四首

許庭

不見灞陵原上柳
往來過盡蹄輪
朝離南楚
暮西秦
不成名利
贏得鬢毛新
莫怪枝條憔悴
損
一生惟苦征
塵
兩三煙樹倚孤邨
夕陽影裏愁絕
宦遊人

前調

許庭

不見昭陽宮內柳
黃金齊撚輕柔
東君昨夜到
皇州
玉

階金井無處不風流
悵望翠華春欲暮
六宮都鎖春
愁暖風吹動繡簾鈎
飛花委地時轉玉香毬

前調

許庭

不見陶家門外柳
柴扉一徑遙
通間門終日掩
清風感
君高節綠蔭向人濃
籬落蕭疎雞犬靜
日長飛絮濛
濛先生一醉萬緣空
經時高臥不到翠陰中

前調

許庭

不見都門亭畔柳
春來綠盡長條柳
邊行色馬蕭蕭
一

枝折贈相見又何朝
酒盡曲終人去也
風前亦自無聊
祇應於我恨偏饒
東君特地付與沈郎腰

前調

重九

謝逸

木落江寒秋色晚
颼颼吹帽風清丹楓樓外擣衣聲望
高懷遠山影鴈邊橫
露染宮黃庭菊淺
茱萸煙拂紅
輕尊前誰整醉冠傾
酒香熏臉落日斷霞明

前調

蔡伸

繁杏枝頭蜂蝶亂
香風闔坐微聞靚妝濃
豔任東君無

情風雨春事已平分
珍重主人留客意
夜闌秉燭開
尊何須歌韻遏行雲
羽觴交勸揮塵細論文

前調

木楫

蔡伸

仙品不同桃李豔
移來月窟雲鄉
幽姿綽約道家妝
綠雲堆髻嬌額半塗黃
可但乍涼風月下
饒伊獨占秋光
雨中別有惱人香
錯教蕭史腸斷憶巫陽

前調

趙彥端

十載長安桃李夢
年來鏡淨塵空
忽傳綵筆小牋紅
滿

懷秋思傾倒為芙蓉
莫恨霜濃開較晚
尊前元有春
風酣嬌肯為別人容
試攜銀燭斜照綠波中

前調

劉光祖

小院回廊春寂寂
晚來獨自閒行
畫簾東畔碧雲生也
知無雨空滴枕邊聲
一簇小桃開又落
低頭拾取紅英
東風相送忘相迎
梨花寒食到得錦官城

前調

吳子孝

嶺上桂花開萬斛
輕風吹散天香
枝枝金粟映鵝黃
神

清興逸起舞勸霞觴
恍入廣寒宮殿裏
花陰如奏霓裳
姮娥不見倚新妝
綠雲步幃容我醉
吳剛

前調

吳子孝

乍暖小園開晚宴
單衣初試輕羅蝶
慵蜂嬾落花多
珠簾半捲微月映清波
雲澹煙濃池島靜
梧桐影薄高柯
共瞻霖雨灑松蘿
望窮霄漢誰為挽
銀河

前調

吳子孝

芳草滿庭渾似蜀
鵲來競報歡聲
垂楊雨後綠尤明
湘

簾試卷風細晚涼生
深巷地幽人不到門前空植雙
旌小池魚靜玉波平朱闌閒凭天外夏雲橫

前調

又一體

南唐李煜

庭空客散人歸後畫堂半掩珠簾林風浙浙夜厭厭小
樓新月回首自纖纖
春光鎮在人空老新愁往恨何
窮金牕力困起還慵一聲羌笛驚起醉怡容

前調

馮延巳

冷紅飄起桃花片青春意緒闌珊高樓簾幙卷輕寒酒

餘人散獨自倚闌干
夕陽千里連芳草
風光愁煞王孫
徘徊飛盡碧天雲
鳳城何處明月照黃昏

前調

又一體

徐昌圖

飲散離亭西去
浮生常恨飄蓬
回頭煙柳漸重重
澹雲孤鴈遠
寒日暮天紅
今夜畫船何處
潮平淮月朦朧
酒醒人靜
奈愁濃
殘燈孤枕夢輕浪
五更風

前調

晏幾道

鬪草堦前初見
穿鍼樓上曾逢
羅裙香露玉釵風
靚妝

眉沁綠羞豔粉生紅
流水便隨春遠行雲終與誰同
酒醒常恨錦屏空相尋夢裏路飛雨落花中

前調

晏幾道

身外閒愁空滿眼中歡事常稀
明年應賦送君詩細從
今夜數相會幾多時
淺酒欲邀誰勸深情唯有君知
東溪春近好同歸柳垂江上影梅謝雪中枝

前調

晏幾道

淡水三年歡意危絃幾夜離情曉
霜紅葉舞歸程客情

今古道秋夢短長亭
綠酒尊前清淚陽關疊裏離聲
少陵詩思舊才名雲鴻相約處煙霧九重城

前調

晏幾道

淺淺餘寒春半雪銷蕙草初長煙迷柳岸舊池塘風吹
梅蕊閉雨細杏花香
月墜枝頭懽意從前虛夢高唐
覺來何處放思量如今不是夢真箇到伊行

前調

晏幾道

長愛碧闌干影芙蓉秋水開時臉紅凝露學嬌啼霞觴

熏冷豔雲髻，裊纖枝。煙雨依前時候，霜叢如舊。芳菲與誰同醉，采香歸去，年花下客。今似蝶分飛。

前調

晏幾道

旖旎仙花解語輕，盈春柳。能眠玉樓深處，綺牕前夢回。芳草夜歌罷，落梅天。沉水濃薰繡被，流霞淺酌金船。綠嬌紅小，正堪憐。莫如雲易散，須似月頻圓。

前調

晏幾道

夢後樓臺高鎖，酒醒簾幕低垂。去年春恨却來時，落花

人獨立微雨燕雙飛
記得小蘋初見兩重心字羅衣
琵琶絃上說相思當時明月在曾照彩雲歸

前調

陳師道

曲巷斜街信馬小橋流水誰家淺妝深窠倚門斜只緣
些子意消得百般誇粉面初生明月酒容欲退朝霞
春風還解染霜華肯持鴛綺被來伴杜陵花

前調

趙長卿

春事猶餘十日吳蠶早已三眠多情忍對落花前荼蘼

飄暖雪荷葉媚晴天
香淡無心浸酒綠浮可意邀船
時光堪恨也堪憐單衣三月暮歌扇一番圓

前調

趙長卿

遠岫螺頭濕翠流霞頰尾疎明斷虹斜界雨新晴煙邨
燈火晚江浦畫難成
我向其間泛葉終朝露渚風汀
近來心事最關情不堪三弄笛吹作斷腸聲

前調

陸游

鳩雨催成新綠燕泥收盡殘紅春光還與美人同論心

空眷眷分袂却匆匆
只道真情易寫那知怨句難工
水流雲散各西東
半廊花院月一帽柳橋風

前調

高觀國

風月生來人世夢
魂飛墮仙津
青春日日醉芳塵
一鞭花陌曉
雙槳柳橋春
前度詩留醉袖
昨宵香浥羅巾
小姬飛燕是前身
歌隨流水咽
眉學遠山顰

前調

史達祖

草脚青回細膩柳
梢綠轉條苗
舊遊重到
合魂銷棹橫

春水渡人凭赤闌橋
歸夢有時曾見新愁未肯相饒
酒香紅被夜迢迢
莫教無用月來照可憐宵

前調

史達祖

倦客如今老矣舊時不奈春何幾曾湖上不經過看花
南陌醉駐馬翠樓歌
遠眼愁隨芳草湘裙憶著春羅
枉教裝得舊時多向來簫鼓地猶見柳婆婆

前調

趙潛

堤曲朱牆近遠山明碧瓦高低好風二十四歸期驕驄

穿柳去文鷁挾春飛
簫鼓晴雷殷殷笑
歌香霧霏霏
閒情不受酒禁持
斷橋無立處
斜日欲歸時

前調

詹正

自結牀頭麈尾角巾坐
枕孤松片雲承
日過山東起聽
荷葉雨行受芷花風
無客同羹蓴菜
有人為剝蓮蓬
東牆年少未從容
何因知我意
吹笛月明中

前調

錢光緒

酒谷頽然便醉硯
田荒矣慵耕
不堪落葉兩三聲
病從

秋後減愁向雨中生
拊劔還歌白石焚香復展黃庭
徘徊山寺又鐘鳴鴉啼歸曉樹
蛩語伴疎燈

鵲橋仙

又一體雙調

五十八字

鵲橋仙

韓 澆

雨意生涼雲容催暮
畫樓人倚闌干處
柳邊新月已微
明銀潢隱隱疎星渡
今古佳期漫傳牛女
一杯試與
尋新句幽懷冷眼是
青山舊懽
往恨渾無據

惜分釵

雙調五
十八字

惜分釵

呂渭老

春將半鶯聲亂柳絲拂馬花迎面小堂風暮樓鐘草色
連雲暝色連空重重 秋千畔何人見寶釵斜照春妝
淺酒霞紅與誰同試問別來近日情恹恹

前調

呂渭老

重簾掛微燈下背闌同說春風話月盈樓淚盈眸覩著

紅茵無計遲留休休
鶯花謝春殘也等閒泣損香羅
帕見無由恨難收夢短屏深清夜濃愁悠悠

七娘子

雙調五

十八字

七娘子

蔡伸

天涯觸目傷離緒登臨况值秋光暮手撚黃花憑誰分
付離離鴈落蒹葭浦憑高目斷桃溪路屏山樓外青
無數綠水紅橋瑣牕朱戶如今總是銷魂處

夜行船

又一體雙調
五十八字

夜行船

趙長卿

綠蓋紅幢籠碧水魚跳處浪痕勻碎惜別慙慙留連無
計歌聲與淚和柔脆 一葉扁舟煙浪裏曲灘頭此情
無際窈窕睂山暮霞紅處雨雲想翠峰十二

前調

又一體

王 禹

曲水漪裊三月二馬如龍鈿車如水風颺游絲日烘晴

畫人共海棠俱醉 客裏光陰難可意 掃芳塵舊遊誰
記 午夢醒來不覺小牕人靜 春在賣花聲裏

河傳

又一體雙調

五十八字

河傳

徐昌圖

秋光滿目風清露白蓮紅水綠何處夢回弄珠拾翠盈
盈倚蘭橈眉黛蹙 採蓮調穩吳侶聲相續倚棹吳江
曲驚起暮天幾雙交頸鴛鴦入蘆花深處宿

恨春遲

雙調五

十八字

恨春遲

張先

好夢才成成又斷
晚起雲朵梳鬟秀
臉拂新紅滴入嬌
着眼薄衣減春寒
短柱溪橋波平岼
畫閣外落日西山
不忿閒花並蒂秋
藕同根何時重得雙蓮

花上月令

雙調五

十八字

花上月令

吳文英

文園消渴愛江清，酒腸怯怕深觥。玉舟曾洗芙蓉水，瀉
清冰。秋夢淺，醉雲輕。庭竹不收簾影去。人睡起，月空
明。瓦瓶汲井和秋葉，薦吟醒。夜深重怨，遙更

玉碾萼

雙調五

十八字


玉碾萼

無名氏

酥點萼，玉碾萼。點時碾時，香雪薄。才折得春力弱。半掩

朱扉垂繡幕怕吹落
撚一晌嗅一晌撚時嗅時宿酒
惡春筍上不忍放待對菱花斜插向寶釵上

御選歷代詩餘卷三十五



總校官庶吉士臣張能照

校對官庶吉士臣陳宗本

謄錄監生臣王詔

欽定四庫全書薈要

集部

御選歷代詩餘卷三十六

七

詳校官編修臣汪鏞

欽定四庫全書薈要

御選歷代詩餘卷三十六目錄

五十八字

踏莎行

寇準

晏殊 五首

陳堯佐

歐陽修

晏幾道 四首



張先

蘇軾

黃庭堅 二首

秦觀

陳師道

李之儀 二首

賀鑄 五首

毛滂 八首

杜安世 四首

周紫芝 四首

謝逸

向子諲

蔡伸

趙師俠

趙長卿

張元幹

侯寘 二首

辛棄疾 二首

姚寬

洪邁

袁去華

劉克莊

姜夔

黃機

劉光祖

李浙

高觀國

二首

楊伯岳

洪璫

盧炳

二首

吳文英

周密

二首

王沂孫

張炎

四首

石孝友

二首

毛珣

何夢桂

李彭老

無名氏

蘇氏

紫竹

無名氏
四首

張翥

沈禧

倪瓚

王行

王德璉
四首

無名氏

劉基 二首

楊基 二首

邊貢

吳子孝

王衡

董斯張

沈龍

卓人月

錢茶

陳子龍

梁雲構

沈宜修

葉小鸞

三首

御選歷代詩餘卷三十六目錄

欽定四庫全書會要卷二萬七百十四

集部

御選歷代詩餘卷三十六

五十八字

踏莎行

一名柳長春雙

調五十八字

踏莎行

寇準

春色將闌鶯聲漸老紅英落盡青梅小畫堂人靜雨濛濛
濛屏山半掩餘香裊密約沈沈離情杳杳菱花塵滿
慵將照倚樓無語欲銷魂長空黯澹連芳草

前調

晏殊

細草愁煙幽花怯露凭闌總是銷魂處日高深院靜無人時時海燕雙飛去帶暖羅衣香殘蕙炷天長不禁迢迢路垂楊只解惹春風何曾繫得行人住

前調

晏殊

祖席離歌長亭別宴香塵已隔猶迴面居人匹馬映林嘶行人去棹依波轉畫閣魂消高樓目斷斜陽只送平波遠無窮無盡是離愁天涯地角尋思徧

前調

晏殊

碧海無波瑤臺有路思量便合雙飛去當時輕別意中
人山長水遠知何處綺席凝塵香閨掩霧紅牋小字
憑誰附高樓目盡欲黃昏梧桐葉上蕭蕭雨

前調

晏殊

綠樹歸鶯雕梁別燕春光一去如流電當歌對酒莫沉
吟人生有限情無限弱袂縈春修蛾寫怨秦箏寶柱
頻移鴈尊中綠醕意中人花朝月下長相見

前調

晏殊

小徑紅稀芳郊綠徧高臺樹色陰陰見春風不解禁楊
花濛濛亂撲行人面翠葉藏鶯朱簾隔燕爐香靜逐
遊絲轉一場愁夢酒醒時斜陽却照深深院

前調

陳堯佐

二社良辰千家庭院翩翩又覩雙飛燕鳳凰巢穩許為
鄰瀟湘煙暝來何晚亂入紅樓低飛綠岼畫梁輕拂
歌塵轉為誰歸去為誰來主人恩重珠簾捲

前調

歐陽修

候館梅殘，溪橋柳細，草薰風暖。搖征轡，離愁漸遠，漸無窮。迢迢不斷如春水。寸寸柔腸，盈盈粉淚。樓高莫近危闌倚。平蕪盡處，是春山、行人更在春山外。

前調

晏幾道

柳上煙歸，池南雪盡，東風漸有。繁華信，花開花謝，蝶應知春來，春去。鷺能問。夢意猶疑，心期欲近。雲箋字字，縈方寸。宿妝曾比杏，頰紅憶人細。把香英認。

前調

晏幾道

宿雨收塵朝霞破暝風光暗許花期定玉人呵手試妝
時粉香簾幙陰陰靜斜鴈朱絃孤鸞綠鏡傷春誤了
尋芳信去年今日杏牆西啼鶯喚得閒愁醒

前調

晏幾道

綠徑穿花紅樓壓水尋芳誤到蓬萊地玉顏人是蕊珠
仙相逢展盡雙蛾翠夢草閒眠流觴淺醉一春總見
瀛洲事別來雙燕又西飛無端不寄相思字

前調

晏幾道

雪盡寒輕月斜煙重清歡猶計前時共迎風朱戶背燈
開拂簷花影侵簾動繡枕雙鴛香苞翠鳳從來往事
都如夢傷心最是醉歸時眼前少箇人人送

前調

張先

衾鳳猶溫籠鶻尚睡宿妝稀澹眉成字映花避月上迴
廊珠裙摺摺輕垂地翠幙成波新荷貼水紛紛煙絮
低還起重牆遶院更重門春風無路通深意

前調

蘇軾

山秀芙蓉溪明罨畫真遊洞穴滄波下臨風慨想斬蛟
人長橋千載猶橫跨解珮投簪求田問舍黃雞白酒
漁樵社元龍非復少時豪耳邊洗盡功名話

前調

茶

黃庭堅

畫鼓催春蠻歌走餉火前一倍爭春長低株摘盡到高
株高株別是閩溪樣碾破春風香凝午帳銀瓶雪滾
翻匙浪今宵無睡酒醒時摩圍影在秋江上

前調

黃庭堅

臨水夭桃倚牆繁李長楊風掉青驄尾尊中有酒且酬
春更尋何處無愁地 明日重來落花如綺芭蕉浮展
山公啓欲箋心事寄天公教人長壽花前醉

前調

秦觀

霧失樓臺月迷津渡桃源望斷無尋處可堪孤館閉春
寒杜鵑聲裏斜陽暮 驛寄梅花魚傳尺素砌成此恨
無重數郴江幸自繞郴山為誰流下瀟湘去

前調

陳師道

紅上花梢風傳梅信青春欲動羣芳競林聲鳥語帶餘
寒江光野色閒遊徑乍雨還晴暄寒不定重門深院
簾帷靜又還日日喚愁生阿誰準擬風流病

前調

李之儀

綠徧東山寒歸西渡分明認得香風處風輕雨細更愁
人高唐何在空朝暮離恨相尋酒狂無素柳條又折
年時數一番情味有誰知斷魂還送征帆去

前調

李之儀

還是歸來依前問渡好風引到經行處幾聲啼鳥又催
耕草長柳暗春將暮 潦倒無成疎慵有素且陪野老
酬天數多情惟有面前山不隨流水來還去

前調

賀鑄

急雨收春斜風約水浮紅漲綠魚紋起年年遊子惜餘
春春歸不解招遊子 留恨城隅關情紙尾闌干長對
西風倚鴛鴦俱是白頭時江南渭北三千里

前調

賀鑄

淺黛宜顰明波欲溜逢迎宛似生平舊低鬟促坐認絃
聲霞觴濫濫持為壽 濃染吟毫偷題醉袖寸心百意
分攜後不勝風月兩慊慊年來一樣傷春瘦

前調

賀鑄

楊柳迴塘鴛鴦別浦綠萍漲斷蓮舟路斷無蜂蝶慕幽
香紅衣脫盡芳心苦 返照迎潮行雲帶雨依依似與
騷人語當年不肯嫁東風無端却被西風誤

前調

賀 鑄

涼葉翻風流雲卷
雨寥寥夜色沉
鐘鼓誰調清管度
新聲有人高臥平陽塢
草暖滄洲潮平別浦
雙鳧乘鴈
方容與深藏華屋
鎖雕籠此生乍可
輸鸚鵡

前調

賀 鑄

鏡暈山眉囊熏冰麝
凝然風度長閒
暇歸來定解鸕鷀
裘換時應倍驂騑價
罇酒傷春添香惜
夜依稀待月
西廂下梨花庭院
雪瓊瓏微吟獨倚
秋千架

前調

陳興宋
夜集

毛滂

天質嬋娟妝光蕩漾御酥做出花模樣天桃繁杏本妖
妍文鴛彩鳳能偎傍艾綠濃香鵝黃新釀綠雲清切
歌聲上夜寒不近繡芙蓉醉中祇覺春相向

前調

曾寶園
初見梅

毛滂

映竹幽妍臨池娟靚芳苞先暖香初娠南枝微弄雪精
神東君早寄春音信奔月仙標乘煙遠韻玉臺粉點
和酥凝從來清瘦可禁寒為誰早把霞衣褪

前調

蠟梅

毛滂

粟玉瓊瓏雍酥浮動芳姿染得胭脂重
風前蘭麝作香寒枝頭煙雪和春凍
蜂翅初開蜜房香弄佳人寒睡
愁如夢鵝黃衫子茜羅裙風流不與江梅共

前調

定空寺
觀梅

毛滂

景泮冰簷晴回瑤草剛能守得春來到
管會獨自索春憐而今覩著東風笑
粉凝酥寒雲房睡覺臙脂也不
添些小天真要與此花爭是伊占得春多少

前調

元夕

毛滂

撥雪尋春燒燈續晝暗香院落梅開後無端夜色欲遮
春天教月上官橋柳花市無塵朱門如繡嬌雲瑞霧
籠星斗沈香火冷小妝殘半衾輕夢濃于酒

前調

早春

毛滂

堦影紅遲柳苞黃徧纖雲弄日陰晴半重簾不捲篆香
橫小花初破春叢淺鳳繡猶重鴨爐常暖屏山翠入
江南遠醉輕夢短枕閒敲綠牕窈窕窈窕風光轉

前調 並往
事

毛滂

芳氣霏微薄，寒料峭。何人正倚桃花笑，流紅不出武陵溪。這回空與春風到。樽俎全稀，風情終較安仁老也。誰知道碧雲無信，失秦樓舊時明月，猶相照。

前調 中秋

毛滂

碧樹陰圓，綠苔露滿，金波澌澌堆瑤盞。行雲會事不飛來，長空一片琉璃淺。玉燕釵寒，藕絲袖短，只應未倚朱闌徧。隨人全不似，嬋娟桂花影裏，年年見。

前調

杜安世

雨霽風光春分天氣千花百草爭明媚畫梁新燕一雙
雙玉籠鸚鵡嫌孤睡 薜荔依牆莓苔滿地青樓幾處
歌聲麗暮然舊事上心頭無言斂皺眉山翠

前調

杜安世

夜雨朝晴東風微冷雕梁燕子閒相並後園次第數芳
菲千香百豔年年定 步險樓高人賒途迴煙蕪冉冉
斜陽暝紅牋寫盡寄無因想伊不信人成病

前調

杜安世

嫩柳成陰殘花雙舞塵銷院落新經雨洞房深掩日長
天珠簾時有沈煙度夜夢淒涼晨妝薄注香肌瘦盡
寬金縷到頭終是惡因緣當初只被多情悞

前調

杜安世

閒院秋千又還拆了綠苔徧地青春老畫樓日晚燕歸
巢紅稀翠密梅初小窈窕身輕怎禁煩惱羅衣漸減
愁風峭韶華好景想多才慊慊只為音書少

前調

賦雙魚花

周紫芝

風翠輕翻霧紅深注鴛鴦池畔雙魚樹合歡鳳子也多
情飛來連理枝頭住欲付濃愁深憑尺素戲魚波上
無尋處教誰試與問花看如何寄得香牋去

前調

周紫芝

燕子歸來梅花又落細桃雨後胭脂薄眼前先自許多
愁斜陽更在春池閣夢裏新歡年時舊約日長院靜
空簾幙幾回猛待不思量擡頭又是思量著

前調

謝人寄
梅花

周紫芝

鵲報寒枝魚傳尺素晴香暗與風微度故人還寄隴頭
春憑誰為作梅花賦柳外朱橋竹邊深塢何時却向
君家去便須倩月與徘徊無人留得花常住

前調

周紫芝

情似遊絲人如飛絮淚珠閣定空相覷一溪煙柳萬絲
垂無因繫得蘭舟住鴈過斜陽草迷煙渚如今已是
愁無數明朝且做莫思量如何過得今宵去

前調

謝逸

柳絮風輕梨花雨細春陰院落簾垂地碧溪影裏小橋
橫青帘市上孤煙起鏡約關情琴心破睡輕寒漠漠
侵鴛被酒醒霞散臉邊紅夢回山蹙眉間翠

前調

九江道中

向子諲

靄靄朝雲飄春態度楚中夢斷尋無路欲將尊酒遣新
愁誰知引到愁深處不盡江山無邊細雨只疑都把
愁來做西山總不解遮闌隨春直過東湖去

前調

題幽扇

蔡伸

落日歸雲寒空斷鴈吳波淺澹山平遠丹青寫出在霜
縑佳人特地裁團扇 漁艇孤煙酒旗幽院些兒景趣
君休羨五湖歸去共扁舟何如早早酬深願

前調

趙師俠

白雪開殘紅雲吹盡園林新綠迷芳徑榆錢不解買青
春隨風亂點蒼苔暈 紫燕飛忙黃鸝聲嫩日長煙暖
游蜂困憑高念遠思無窮那堪宿酒恹恹病

前調

夜涼

趙長卿

樹影將圓林稍不動汗珠裛透紗衣重薄風忽送雨飛
來晚涼習習生幽夢珠箔高鈎瑤琴閒弄移尊邀取
嬋娟共今宵拌著醉眠呵夜香聞早添金鳳

前調

張元幹

芳草平沙斜陽遠樹無情桃葉江頭渡醉來扶上木蘭
舟將愁不去將人去薄劣東風天斜飛絮明朝重覓
吹笙路碧雲香雨小樓空春光已到銷魂處

前調 元宵

侯寘

元夕風光中興時候東風著意催梅柳誰家銀字小笙
簧倚闌度曲黃昏後 撥雪張燈解衣貰酒觚稜金碧
聞依舊明年何處看昇平景龍門下燈如晝

前調 約友
看梅

侯寘

雪意初濃雲情已厚黃昏散盡扶頭酒不知牆外夜來
梅忍寒添得疎花否 休更熏香且同攜手從教側側
輕寒透亭兒直下玉生煙暗香歸去沾襟袖

前調

辛棄疾

夜月樓臺秋香院
宇笑吟吟地人來去
是誰秋到便淒涼
當年宋玉悲如許
隨分杯盤等閒歌舞
問他有甚堪悲處
思量却有悲時重陽節
近多風雨

前調

木犀

辛棄疾

弄影闌干吹香巖谷
枝枝點點黃金粟
未堪收拾付熏爐
牕前且把離騷讀
奴僕葵花兒曹金菊
一枝風露清涼足
傍邊只是欠姮娥
分明身在蟾宮宿

前調

姚寬

蘋葉煙深荷花露濕碧蘆紅蓼秋風急採菱渡口日將
沈飛鴻樓上人空立彩鳳難雙紅綃暗泣回紋未翦
吳刀澀夢雲歸處不留蹤厭厭一夜涼蟾入

前調

洪邁

院落深沈池塘寂靜簾鉤捲上梨花影寶箏拈得鴈難
尋篆香消盡山空冷釵鳳斜敲鬢蟬不整殘紅立褪
慵看鏡杜鵑啼月一聲聲無端又是三春盡

前調

袁去華

醉撚黃花笑持白羽秋江綠漲迷平楚燕鴻曾寄去年
書漢臯不記來時路天際歸舟雲中煙樹蘭成憔悴
愁難賦香囊鈿合忍重看風裳水珮尋無處

前調

重九
牛山

劉克莊

日月跳丸光陰脫兔登臨不用深懷古向來吹帽插花
人盡隨殘照西風去老矣征衫飄然客路炊煙三兩
人家住欲攜斗酒荅秋光山深無覓黃花處

前調

金陵
感夢

姜夔

燕燕輕盈鶯鶯嬌軟分明又向華胥見夜長爭得薄情
知春初早被相思染別後書詞別時鍼線離魂暗逐
郎行遠淮南皓月冷千山冥冥歸去無人管

前調

黃機

雲樹參差煙蕪平遠沙頭只欠飛來鴈西風方做一分
秋淒涼已覺難消遣牕底燈寒帳前香暖回腸偏學
車輪轉剩衾閒枕自無眠譙門更著梅花怨

前調

劉光祖

掃徑花零閉門春晚恨長無奈東風短起來消息探茶
縻雪條玉蕊都開徧 晚月魂清夕陽香遠故山別後
誰拘管多情於此更情多一枝鶯罷還重撚

前調

送新城交
代李達善

李 浙

紅藥香殘綠筠粉嫩春歸何處尋春信繡鞍初上馬蹄
輕舉頭便覺長安近 別酒無情啼妝有恨山城向晚
斜陽褪清江極目帶寒煙錦鱗去後憑誰問

前調

高觀國

花染煙香柳搖風翠春工寫出清明意
碧灣還向畫船開粉牆到處驕驄繫
歌換紅裙酒招青旆吟情又許
東風醉何妨日日爛芳遊
今宵先向西城睡

前調

九日
西山

高觀國

水減堤痕秋生屐齒瘦
筇喚起登高意翠微煙冷夢淒涼
黃花香晚人憔悴
懷古風流悲秋情味紫萸勸入
旗亭醉玉人相見說新愁
可憐又濕西風淚

前調

雪中借閣帖

楊伯岳

梅觀初花蕙庭殘葉當時慣聽山陰雪東風吹夢到清
都今年雪比前年別 重釀宮醪雙鈎官帖伴翁一笑
成三絕夜深何用對青藜牕前一片蓬萊月

前調

別意

洪璚

滿滿金杯重重玉筋離歌不放行人去醉中扶上木蘭
船醒來忘却桃源路 帶縮同心釵分一股斷魂空草
高唐賦秋山萬疊水雲深茫茫無著相思處

前調

盧炳

秋色人家夕陽洲渚西風催過黃花渡江煙引素忽飛
來水禽破暝雙雙去 奔走紅塵棲遲羈旅斷腸猶憶
江南句白雲低處鴈回峰明朝便踏瀟湘路

前調

盧炳

獵獵霜風濛濛曉霧歸來喜踏江南路千林翠幄半紅
黃試看青女工夫做 茅舍疎籬竹邊低戶誰家酒滴
眞珠露旋酤一盞破清寒趁晴同過黃花渡

前調

吳文英

潤玉籠綃檀櫻倚扇繡圈猶帶脂香淺榴心空疊舞裊
紅艾枝應壓愁鬟亂 午夢千山牕陰一箭香癥新褪
紅絲腕隔江人在雨聲中晚風菰葉生秋怨

前調

題中仙
詞卷

周密

結客千金醉春雙玉舊遊宮柳藏仙屋白頭吟老茂陵
西清平夢繞沈香北 玉筵天津錦囊昌谷春紅轉眼
成秋綠重翻花外侍兒歌休聽酒邊供奉曲

前調

與莫兩山談
邦城舊事

周密

遠草情鍾孤花韻勝一樓聳翠生秋暝十年二十四橋
春轉頭明月蕭聲冷 賦藥才高題壇語俊蒸香壓酒
芙蓉頂景留人去怕思量桂牕風露秋眠醒

前調

題草牕
詞卷

王沂孫

白石飛仙紫霞淒調新歌舊恨知音少沉沉幽夢小池
荒依依芳草閒庭悄 風月交遊山川懷抱憑誰說與
春知道空留遺恨滿江南相思一夜蘋花老

前調

張炎

柳未三眠風纔一信
催人步屨吹笙徑
可會中酒似當時
如今都是看花病
老願春遲愁嫌晝靜
秋千院落寒猶剩
捲簾休問海棠開
相傳燕子歸來近

前調

題盧仝啜
茶手卷

張炎

清氣厓深斜陽木末
松風泉水聲相答
光浮椀面啜先春
何須美酒吳姬壓
頭上烏巾鬢邊白髮
數間破屋從蕪沒
山中有此玉川人
相思一夜梅花發

前調 詠湯

張炎

瑤草收香琪花采汞冰輪碾處芳塵動竹爐湯暖火初
紅玉纖調罷歌聲送 麾去茶經襲藏酒頌一杯清味
佳賓共從來采藥得長生藍橋休被瓊漿弄

前調

張炎

花引春來手擎春住芳心一點誰分付微歌微笑驀思
量瞥然拋與東流去 帶潤偷拈和香密護歸時自有
流連處不隨煙水不隨風不教輕把劉郎悞

前調

石孝友

釵鳳搖金髻螺分翠銖衣穩束宮腰細綠柔紅小不禁
風海棠無力貪春睡 翦水精神怯春情意霓裳一曲
當時事五陵年少本多情為何特地添顛顛

前調

石孝友

沉水銷紅屏山掩素瑣牕醉枕驚眠處菱荷香裏散秋
風芭蕉葉上鳴秋雨 飛閣愁登倚闌凝竚孤鴻影沒
江天暮行雲嬾寄好音來斷霞暗逐斜陽去

前調

題草牕
詞卷

毛珮

顧曲多情尋芳未老一庭風日知音少夢隨蝶去恨牆
高醉聽鸚語嫌籠小紅燭呼盧黃金買笑彈絲踮躑
長安道彩箋拈起錦囊花綠牕留得羅裙草

前調

何夢桂

夜月樓臺夕陽庭院都將心事思量徧當初識面待尋
常爭知識後情如線只怕梅梢參橫斗轉催人歸去
天涯遠斷腸多在別離時未曾說著腸先斷

前調

題草牕
十擬後

李彭老

紫曲迷香綠牕夢月芳心如對春風說鸞箋象管寫新
聲幾番曾試瓊壺缺 庾信書愁江淹賦別桃花紅雨
梨花雪周郎先自足風流何須更擬秦笙咽

前調

無名氏

碧蘚迴廊綠楊深院花期夜入簾猶捲照人無奈月華
明潛身却恨花陰淺 密約難憑幽歡未展看看滴盡
銅壺箭闌干敲徧不應人分明燭下聞刀翦

前調

宋媛
蘇氏

孤館深沉曉寒天氣解鞍獨自闌干倚暗香浮動月黃
昏落梅風送沾衣袂 待寫紅箋憑誰與寄先教覓取
嬉遊地到家正是晚春時小桃花下拚沉醉

前調

宋媛
紫竹

醉柳迷鶯嬾風熨草約郎暫會閒門道粉牆陰下待郎
來鮮痕印得鞦韆痕小 花月移陰簾香失裊望郎不到
心如搗避人愁入倚屏山斷魂還向牆陰繞

前調

閨情
四首

宋媛

無名氏

玉臂寬環紗衫緩鈕繡牕鉞線無心久豹頭枕冷麝蘭
輕蝦鬚簾靜塵埃厚紫燕風頭黃梅雨後柳條亂拂
長江口但言暮歷柳如煙誰知搖曳愁如柳

前調

無名氏

紅葉空傳朱繩未綰天涯可見人難見綠牕病起落梅
繁玉簫夢斷行雲短波眼將穿柳腰似剗寂寥偏與
東風管水仙愁絕翠圍寒春雲空谷蘭香遠

前調

無名氏

香罷宵熏花孤晝賞粉牆一丈愁千丈多情春夢苦拋
人尋郎夜夜離羅幌好句刊心佳期束想甫愁春到
還愁往銷魂細柳一時垂斷腸芳草連天長

前調

無名氏

佳約易乖韶光難駐柳絲飛盡江頭樹朝來為甚不鈎
簾殘花正滿簾前路春賞未闌春歸何遽問春歸向
何方去有情燕子不同歸呢喃獨伴春愁住

前調

題三
友圖

張翥

兩澗天寒孤山雪後美人空谷誰為友香林有路玉煙
深瀛洲無夢朝雲瘦照影冰壺含情翠袖寫生合在
徐黃手仙家花月鎮長春與君歲晚同三壽

前調

沈禧

雜組香絨錯綜紋理倚牀脈脈如春醉沈吟暗想玉京
人雕鞍何處鳴珂里無限離愁誰知就裡滔滔比似
西江水無情日夜向東流一絨好寄相思淚

前調

倪瓚

春渚芹蒲秋郊梨棗東風沃野收紅稻檐前炙背嬌晴
陽天涯轉瞬萋芳草魯望漁邨陶朱煙島高風峻節
如今少黃雞啄黍濁醪香開門迎笑東隣老

前調

王行

塵路風花暖空晴絮遊絲賸有縈牽處客懷幸自不縈
愁啼鴉又恁催歸去細草春沙垂楊古渡忘機可得
如鷗鷺平湖却也慰人心片帆不礙煙中樹

前調

啼痕

王德璉

粉結紅冰香消獺髓鏡鸞影裏人憔悴梨花帶雨不禁
愁玉纖彈盡真珠淚恨鎖春山嬌橫秋水臉桃零落
胭脂碎故將羅帕溫啼痕寄情欲比相思字

前調

看

王德璉

澹掃春痕輕籠芳靨捧心不效吳宮怨楚梅酸感翠尖
纖湘煙碧聚愁萋萋
紺羽寒凝月鈎金豔鶯吭咽處
微偷斂新翻舞態太嬌嬈鏡中蛾綠如香點

前調 塵跡

王德璉

金谷遊情消磨不盡軟紅香裏雙鴛印蘭皋步滑翠生
痕金蓮脫落凌波影 蝶徑遺蹤鴈沙凝潤為誰留下
東風恨玉兒飛化夢中雲青蘋流水空仙詠

前調 秋夢

王德璉

煙冷瑤櫺神遊貝闕芙蓉城裏花如雪仙郎同躡鳳凰
翎千門萬戶皆明月 地老天荒山青海碧滿身風露
飄環玦高樓簾角苦無情一聲吹散雙飛蝶

前調

無名氏

花徑爭穿珠簾屢認正逢梅雨片泥潤畫梁無處可安
巢玉纖為把花枝襯社日纔來端陽已近尋巢為甚
偏遲鈍算來一似鳳鸞期蹉跎漸覺無真信

前調

詠遊
絲

劉基

弱不勝煙嬌難著雨如何綰得春光住甫能振迅入雲
霄又還旖旎隨風去高拂樓臺低黏花絮如狂似醉
無歸處黃蜂粉蝶漫輕盈也應未敢窺芳樹

前調

劉基

雨過山明煙生川媚佳人初把羅衫試玉驄嘶入柳陰
中濛濛澹日蒸花氣 簾幙低垂闌干獨倚一池春浪
魚鱗起暮雲寂寞掩重門怕人問道歸期未

前調

楊基

淺碧凝鬢輕紅染瓣東風著意催初綻不須抵死恨開
遲遲開却得遲遲看 醉眼微醒羈魂欲斷斜陽流水
東西岼只知人有萬千愁花枝更有愁千萬

前調

楊基

白皴沾苔紅輕惹絮落花堆積無層數當時開拆賴東
風飄零還是東風妒 宿雨初晴低煙欲暮絲絲芳草
迢迢路綠陰深處聽啼鶯鶯聲更在深深處

前調

邊貢

露濕春莎草生芳甸漁舟迤邐依山轉斜光明滅照邨
虛綠槐深護幽人院 小柵鳴雞古梁巢燕柴門不鎖
蓬蒿徧問渠莫是武陵源一溪流水桃花亂

前調

三月十
四夜作

吳子孝

天上浮雲山前驟
雨月明只在雲深處
試憑雕檻待須臾
清光果向金尊住
玉蕊都飛朱弦解
語月將圓也
春將去風流人伴
可憐宵千金一刻
休虛度

前調

王衡

公子閒居花奴告
老鬢髮沙雨和風
掃青天酒幔石榴
紅大堤紈扇蒲葵
小待可重來向誰
尋討闌干盡日
歸黃鳥兒童鄭重
數榆錢一回不見
春光好

前調

董斯張

游歇甜鄉簟紋冰皺摩挲眼角呼泉漱蕉牕一帶碧空
青如逢故客湘川舊 瓦鉞鳴秋密龍烹就清涼福聚
閒人受溪邊小步鬪風斜柳絲碧罩漁汀瘦

前調

施公閣邨
居九日

沈龍

水滿江天一痕釣艇空邨客遠風煙冷丹楓消翠草堂
開天晴襯出重陽景 竹埽篆煙鶴窺茶鼎芙蓉照面
潮紅醒天西澹月正蛾眉松臺人散烏紗影

前調

卓人月

雨宿高峰煙拖遠
江山一似相思矣
情懷蕭索怕聞
秋梧桐故遣秋風起
悶送飛鴻閒猜雙鯉
想來只恨
長江耳徐吹玉笛
破寒雲喚將月色來
牕裏

前調

園居

錢 茶

萬卷徒空一丘儘
足寒園但種千竿竹
蒼陰深處掩高齋
黃鸝叫過山頭屋
壁掛嵇琴邨疑阮曲
白雲邀我
同歌宿幽花遶砌
不知名柴門秋水添
新綠

前調

陳子龍

牆柳黃深庭蘭紅吐東風著意催寒去迴廊寂寂繡簾垂殘梅落盡青苔路綺閣焚香閒階微步羅衣料峭鶯啼暮幾番冰雪待春來春來又是愁人處

前調

梁雲構

煙鎖朱樓霜鋪白屋牆邊透出東籬菊荷池尚見瀉殘紅芳郊猶喜堆餘綠天外鴻孤燈前影獨月明常把金錢卜蛩吟錯認報佳音芙蓉笑倚闌干曲

前調

明媛

沈宜修

芳草青歸梨花白潤春風又入昭陽鬢繡牕日靜綺羅
閒金鈿二八人如薜碧字題眉紅香寫暈青鸞玉線
羶榴襯若教阿母不須疑妝臺試向飛瓊問

前調

過芳雪軒
憶昭齊姊

明媛

葉小鸞

芳草雨乾垂楊煙結鶻聲又過清明節空梁燕子不歸
來梨花零落如殘雪春事闌珊春愁重疊篆煙一縷
銷金鴨憑欄寂寂對東風十年離恨和天說

前調

葉小鸞

萱草緣階桐花垂戶陰陰綠映清涼宇輕風搖曳繡簾
斜畫屏難掩愁來路 世事浮雲人情飛絮慙慙愁緒
絲千縷無聊常自鎖牕紗嬌鶯百啣知何處

前調

葉小鸞

憔悴零愁清香入繡小山叢桂塗黃就畫樓日影上簾
鈎松風一枕消清晝 片雨涼生小風波皺疎疎碎玉
琅玕逗斷雲飛盡碧天長數枝煙柳斜陽瘦

御選歷代詩餘卷三十六